

精鈔
大字

隨

園

全集

文集

三

古今圖書集成

上

小倉山房文集卷九

錢唐袁枚子才

書魯亮齋

己未冬余謁孫文定公於保定制府生甫定聞啟清河道魯之裕曰事余避東顧矧偉丈夫年七十許高睨大顙白鬚彪彪然口析水利數萬言心異之不能忘後二十年魯公卒已久予奠於白下沈氏縱論至於魯坐客葛聞橋先生曰魯字亮齋奇男子也田文鏡督河南嚴提鎮司道以下受署惟謹無游目視若魯効力麾下一日命摘中半李令印即攝中半魯為微行大布之衣草冠騎驢入境父老數百迎而道苦之再拜問訊曰聞有魯朱代吾令客在開封知否魯謾曰若問云何曰吾令賢不忍其去故也又數里見儒衣冠者簇簇然謀曰好官去可惜伺魯公來盡訪之或握手曰咄田督有令雖十魯公奚能為且魯方取其官而代之寧肯捨己從人耶魯心敬之而無言至縣見李貌溫溫奇雅揖魯入曰印待公久矣魯拱手曰觀公狀貌被服非豪縱者且賢稱噪於士民甫下車而庫廩何耶李曰某滇南萬里外人也別母游京師十年得中半借俸迎母母至被劾命也言未畢魯曰吾賜甚具湯浴我徑詣別室且浴且思意不能無動良久擊盆大誓曰依凡而行者非夫也具衣冠辭李李大驚曰公何之曰之省與之印不受強之曰毋累魯擲印鏗然厲聲曰君非知魯亮

儕者竟怒馬馳去。合邑士民焚香送之。至省先謁兩司告之。故皆曰汝病喪心耶。以若所為他督撫猶不可。況田公耶。明早詣轅。則兩司先在。名紙未投。合轅傳呼。魯令入。田公南向坐。面鐵色。盛氣迎之。旁列司道下文武十餘人。睨魯曰。汝不理縣事而來何也。曰有所啟。曰印何在。曰在中。曰交何人。曰李令。田公乾笑左右顧曰。天下摘印者寧有是耶。皆曰無之。兩司起立謝曰。某等教勅亡素。致有狂悖之員。請公并効。魯付某等嚴訊。朋黨情弊。以懲餘官。魯免冠前叩。直大言曰。固也。待裕言之。裕一寒士。以求官故來河南。得官中年。喜甚。恨不連夜排衙視事。不意入境時。李令之民心如是。士心如是。見其人知虧帑。又如是。故若明公已知其然而令裕往。裕沽名譽。空手歸。裕之罪也。若明公未知其然而令裕往。裕歸陳明。請公意旨。庶不負大君子愛才之心。與聖上孝治天下之意。若公以為無可哀憐。則裕再往取印未遲。不然。公轅外官數十。皆求印不得者也。裕何人敢逆公意耶。田公默然。兩司目之退。魯不謝。走出至屋簷外。田公變色下階呼曰。來。魯入跪。又招公前。取所戴珊瑚冠覆魯頭。嘆曰。奇男子。此冠宜汝戴也。微汝吾幾誤劾賢員。但疏去矣。奈何。魯曰。幾日。曰五日。快馬不能追也。魯曰。有恩。裕能追之。裕少時能日行三百里。公果欲追疏。請賜契箭一枝。以為信。公許之。遂行。五日而疏還。中年今竟無恙。以此魯名聞天下。先是亮儕父某為廣東提督。與三藩要盟。亮儕年七歲為質子於吳。吳王坐朝。亮儕黃袂衫戴貂蟬侍側。年少豪甚。

讀書畢日與吳王帳下健兒學贏越勾卒擲塗賭跳之法故武藝尤絕人云

書麻城獄

麻城涂如松暨楊氏不相中歸輒不返如松嫌之而未發也亡何涂母疾楊又歸如松欲毆之楊亡不知所往兩家訟於官楊弟五榮疑如松殺之訪於九口塘有趙當兒者素狡猾謾曰固聞之蓋戲五榮也五榮駭即拉當兒赴縣為証而訴如松與所狎陳文等共殺妻知縣湯應求訊無據獄不能具當兒父首其兒故無賴妄言請無隨坐湯訪唆五榮者告員楊同範虎而冠也乃請褫同範緝楊氏先是楊氏為王祖兒養媳祖兒死與其姪馮大姦避如松毆匿大家月餘大母慮禍欲告官大懼告五榮五榮告同範同範利其色曰我生員也藏之誰敢篡取者遂藏楊氏複壁中而訟如松如故逾年鄉民黃某墮其僮河灘淺為大肥嗽地保請應求往驗會雷雨電以風中途還同範聞之太喜循其衣衿笑曰此物可保與五榮謀偽認楊氏賄作李榮使報女屍李不可越二日湯往屍朽不能辨殮而置槁焉同範五榮率其黨數十人闕於場事聞總督遣佳委廣濟令高仁傑重檢高試用令也覲覲湯缺所用件作薛某文受同範金竟報女屍肋有重傷五榮等遂誣如松殺妻應求受賄刑書李獻忠舞又件作李榮妄報總督竟信之遂劾應求專委高鞠高掠如松等兩踝骨見猶無辭乃烙鐵索使踣肉烟起焦灼有聲雖應求不免皆不勝其毒皆誣服李榮死杖下然屍故男也無髮無

脚指骨無血裙袴逼如松取呈如松脅亂妄指認抵攔初掘一冢得朽木數十片再掘并木無有或長髯巨靴不知是何男子最後得屍足弓鞋官吏大喜再視觸腰上髮髮白髮又驚棄之麻城無主之墓發露者以百數每不得又次如松如松母許氏哀其子之求死不得也乃剪髮摘去星星者為一束李獻宗妻初臂血染一袴一裙弁其亡兒棺取脚指骨湊聚諸邑自涇河灘而引役往掘果得獄具署黃州府蔣嘉年廉其詐不肯轉召仙縣仵作再檢皆曰男也高仁傑大懼詎許屍骨被換求再訊俄而山水暴發并屍衝沒不復檢總督邁柱竟以如松殺妻官更受贓擬斬絞奏麻城民咸知其冤道路洶洶然卒不得楊氏事無由明居亡何同範隣姬早起見李榮血模糊奔同範家方驚疑同範婢突至曰娘子未至期遽產非姬莫助舉兒者姬奮臂往兒頸拗胞不得下須多人搗腰乃下妻倉呼三姑救我楊氏闖然從壁間出見姬大悔欲避而面已露乃跪姬前戒勿洩同範自外入手十金納姬袖手搖不止姬出語其子曰天乎猶有鬼神吾不可以不雪此冤矣即屬其子持金訴縣縣令陳鼎海盜孝廉也久知此獄冤苦不得聞聞即白巡撫吳應泰吳命白總督故總督邁柱聞之以為大愚色忿然無所發怒姑令拘楊氏陳陰念拘楊氏姑緩或漏洩必匿他處且殺之滅口獄仍不具也乃偽訪同範家畜娼而身率快手直入毀其壁果得楊氏麻城人數萬歡呼隨之至公堂召如松認妻妻不意其夫狀焦爛至此直前抱如松頸大慟曰吾累汝

吾累汝堂下民皆雨泣五榮同範等叩頭乞命無一言時雍正十三年七月二十四日也吳應茶以狀奏越十日而原奏勾決之旨下邁柱不得已奏案有他故請緩決楊同範揣知總督意護前乃誘楊氏具狀稱身本娼非如松妻且自伏窩娼罪邁復據情奏天子召吳邁兩人俱內用特簡戶部尚書史貽直督湖廣委兩省官會訊一切皆如陳鼎議乃復應求官誅同範五榮等

袁子曰折獄之難也三代而下民之譎觚甚矣居官者又氣矜之隆刑何由平彼枉濫者何辜焉麻城一事與元人宋誠夫所書工獄相同雖事久卒白而輾轉變幻危乎艱哉慮天下之類是而竟無平反者步多也然知其難而慎焉其於折獄也庶矣此吾所以書麻城獄之本意也夫

書潘荆山

潘荆山諱兆吾浙孝廉也靜深有謀浙閩總督滿保辟入幕府康熙五十四年臺灣反以立朱一貴為名朱農家子幼養鴨為業每叱鴨鴨皆成伍路不亂行鄉人異之游民之無賴者倡為亂擁一貴據南路殺守備及官兵二百總兵歐陽凱副將許雲討賊戰死臺灣陷事聞省城大震時漏下二鼓滿公不知所為登荆山牀為詠哭聲為烏荆山披衣起笑曰公止哭賊即平矣臺灣賊皆烏合何能為第兵機貴速須盡此夜了之公曰如何曰公持印荆山

持筆兩侍兒供紙墨摩奴張燈聽遣足矣如其言書一牒下中軍曰發兩標兵各千五鼓集輓旗器械戰船缺者斬一牒下司道曰運糧若干集廈門聽取誤者軍法從事一牒下府縣曰明早部院出兵送者斬各吏民安堵毋動荆山每書筆颯颯如風雨畢牒一紙請公加印印畢即發未三鼓而部署定荆山復解衣臥貽臺大勳黎明拔營行兩日至廈門時承平日久兵不善擄禁公憂之荆山下令傳呼曰凡海賈船能捐貨載兵者與五品官有一賈奮前即褫守備蟒服與之繼來者分給牌劄豹多繡補眾賈大喜爭自掉船船銜尾布列兵依隊而上不敢譁田光耀曰五日抵鹿耳門賊大怖以為神兵從天而下駭散無鬪者互相攻殺守紅毛城僅十六人誅之進勦竹塹城禽朱一貴檻車送京師兵不血刃糧不支給凡七日而臺灣平滿公欲奏荆山功荆山辭曰某性嫻非能吏事者也賊平仗國家威靈不可貪天功襲公爵請事公終其身滿公卒潘復佐浙督李公衛以名聞

李敏達公逸事

康熙末各省錢糧多虧

世宗詔清查天下虛囑公總督浙江聞之詣內幕問策時睦不語公曰不請朝臣來天子弗信朝臣至而督撫無權事敗矣宜速繕一疏極言浙省廢弛久誠得內大臣督治甚善但內臣初至未得要領臣身任地方須臣協理事裁辦疏成馳奏即許稱生日開筵受賀浙

中七十二州縣無不屬至者。公張燈陳百戲止而觴之。召諸州縣至密室語曰。清查使者至矣。汝庫虧幾毫勿欺我。我能救汝。否者發露被誅。勿我怨。皆泣謝曰。如公教。歸皆核冊密呈。其無虧者具狀上。亡何奏下。許公協理清查大臣。戶部尚書彭維新實來。先至江南。江南督撫不敢闕語。一聽彭所為。彭天資險戾。鉤考煩密。吏不堪。州縣擬流斬監追者無算。畢。到浙。氣驕甚。公迎見。即持硃批示之曰。朝廷許衛與聞。公勿如江南辦也。彭氣沮。稍稍禮下於公。公置酒宴彭。半巡執杯歎曰。凡共事者。未有不爭者也。某性粗。好與人角。屢蒙上誨。公並言與公無爭。而後可。但不知如何而後可以無爭。彭曰。分縣而辦如何。公曰。善。呼侍者書州縣名若干。捺小紙如豆。鬆盤盛。與彭起分拈之。暗有徽記。彭不知也。其虧者歸公。其無所歸者歸彭。彭刻苦羣。手握手至。拊起卒無所得。而公密將贓罰。聞款鹽課贏餘私攤抵矣。故使人問曰。有虧否。何如。彭曰。無之。彭問公。公陽為喜。出意外者。而應曰。亦無有也。遂兩人同奏浙省無虧。世宗大悅。語人曰。他人聞清查多憂。恐獨李衛敢張燈宴。彼教督有素。自信故也。晉秩太子太保。賞賜無算。各官俱加一級。江南之人望如天上。河東總督田文鏡柄用時。忌公暗劾公。上不為動。田懼轉求結納。伺公居太夫人喪。遣人以厚賄弔公。罵曰。吾母雖餓。不飲小人一勺水也。麾使者於大門之外。而投其名紙於溷中。然性極服善。一日坐堂上。命吏胥田芳作奏。請封五代。田不可。曰。封典止三代。無五代。芳不能作此奏。

固命之對如前公大怒罵曰畜產例自我創何干汝而逆我田遂起立勃然曰公大誤公估天子一時寵忘王章芳故曉公公當謝芳芳辱及其親何也且公為人子孫封三代而猶未足芳亦人子孫未封一代而公以畜產寵秩之何用心逆人道耶芳殊不服芳殊不服公素負氣忽公堂為吏所折辱不知所為強復怒曰便是我誤汝不服奈何曰公大人也芳小吏也豈特公罵芳芳無如公何即公杖死芳芳亦無如公何所可惜者大人之威能申於小吏而小吏之理殊直於大人耳言畢竟走出公默然顧左右亂以他語而罷是晚台芳芳疑公蓄怒將陰禍之入色如土公握其手笑曰汝有膽識而辱為吏可惜吾貸汝千二百金納縣丞他日事上官亦以直道行之田泣謝得富平縣丞遷鳳翔令以賢聞

傳卓園者名魁公標下卒也少無賴以材武入勇健營涿州大盜李自洪力敵千人匿大邵村牛四家公命卓園往擒卓園請標下李昌明及韓景琦俱公笑曰汝往能擒此賊昌明往非昌明殺賊則賊殺昌明韓景琦往必誤乃公事不信如汝意試之卓園夜至牛村自洪方謀劫冉貢生家未發卓園破門入昌明舞雙鋌先登賊暗中斫之傷大呼仆地卓園繼進門小器無所施棄其戟手搗賊陰而獻之小腸出矣賊抱卓園刀其背萬千幸衷甲不死然骨入者寸許卓園繞賊腸於臂至三四賊猶能運刀韓景琦急來助會黑不辨捧傳足以為賊也而縛焉傳自念受兩人敵必敗不得已逆而跋之繩三重皆斷韓仆出數步外大漸

明三人共縛盜獻之轅公大笑曰吾所料何如盜且死顧行刑者曰吾為盜三十年殺人如草官兵屢捕無敢格對今擒我者壯士也願一見而死或指卓園盜運日久之數曰我久當死死於足下值矣我所遺寶刀知足下來哀鳴三日宜贈子佩之我死不悔為盜悔不知天下之尚有人也

鄂文端公逸事

張廣泗之征丹江也宋辭公牘記軍事數條將請公處分公揮諸燕寢竟日筦絃鏗鏘口不及軍事張不得已請問公問何為曰軍事公色曰吾以汝為能辦賊者故用汝不料汝非將才也用兵之道變化無方故曰閫外將軍主之其隨時制勝豈我與汝今日所能預定耶惟兵少或糧不足者當問總督而我部署久定故懼而飲汝汝尚何言諸將聞之皆心折駭服初廣泗知思州府說公取古州八萬云其地廣千餘里在黔粵之交分兩省觀則在外合兩省觀則在內廣泗乞到黎平探知形勢可以奏功公即調廣泗知黎平黎平諸葛營者古州形勝處也後倚大山西接懷遠中有五丈臺登之見大小丹江苗俗傳孔明登後無人登登輒頭痛廣泗到即輕騎登臺苗酋見廣泗指揮臺上驚將圖已即聚眾張砲下坡處廣泗心動不肯下宿於臺次日五鼓大霧從山背銜枚下苗驚以為神歸盡得其出入要領啟公招降都洛兩江苗而征丹江九股苗

世宗慮廣泗新進好事。命內臣牧可登春山至軍營參謀。至丹江已平。世宗大悅。授廣泗貴州巡撫。召公入都。公薦廣泗為巴里坤副大將軍。征阿拉蒲坦。先是大兵屯巴里坤。北人馬多凍死。廣泗往請於大將軍。查即阿曰。賊不畏冬。以能移家故也。賊能往。我亦能往。盡學賊移家法。覓向陽有水草處立營。查不信。廣泗率所領兵如寇法。其年兵無死者。馬驢肥如初。敗賊於木壘城。殺無算。生禽六百人。世宗大悅。命總督湖廣。會古州苗反。煽連楚粵諸州。陷思州清平。世宗切責公。命刑部尚書張照都統德希壽督師貴州。照等奏改流非策。世宗愈怒。廣泗奏善後失宜。皆臣之罪。願革職効力軍前。會今上登極。加廣泗七省經略銜。督兵貴州。羣苗呼曰。上諸葛營老子又來矣。慎勿與戰。主旗幟輒走。廣泗奏張照等所以無功者。分守兵戰兵為二故也。黔兵本少。而又分之。何以辦賊。調請全省兵。齊集鎮遠。以通雲貴往來之路。上許之。廣泗率三萬兵。張強弩。追苗至凱里香山。山有牛皮箬。當四山之凹。深數百丈。闊三里。苗避弩爭走箬上。廣泗據山築長圍。四面環之。苗無所得食。相枕藉餓死者四十餘萬人。三省徭徠為之一空。嗣後古州雞尾擺處俱改衛設屯。而羣苗亦不復反矣。哈元生者河間人也。高鼻長髯。以守備從公。征苗。每戰輒陷陣。擢安籠鎮總兵。烏蒙之役。賊數萬營官防海子。張旗鼓噪。元生率兵四千討之。賊有名黑寡者。號萬人敵。每大呼。鷹為退飛。戰日持長鎗。直犯元生。元生以左手格槍。右手拔箭射之。槍應手斷。而黑

寘業受箭落馬一目出矣。元生斬首揭竿上。羣賊奪氣退走。追至得勝坡。別寨苗起應之。聚眾鳳凰山。元生知眾寡不敵。乃密令參將張世顯等。夜率土兵暗繞賊營。分左右隊伏山下。約曰。聽號礮起。次日黎明。元生率兵挑賊。賊盡出。官兵不動。待賊將近。忽礮發聲。元生舞雙刀衝陣。山後奇兵突至。賊敗走。追之。盡俘其眾。元生手擲一賊於空中。高數丈。以刀揮之作數段。羣賊大駭。以為神鬼。嗣後望見安籠鎮旗纛即逃。無敢格鬪者。世宗召見。賜宴以元生回部。人不漢食。命光祿寺別具特羊之餐。一人者。至公家皆供掃除之役。若隸子弟然。

稗事二則

尹文端公母徐氏。江寧人。為相國小妻。相國家法嚴。文端總督兩江夫人。猶青衣侍屏宴。文端調雲貴入覲。世宗從容問汝母受封乎。公叩頭免冠。將有所奏。世宗曰止。朕知汝意。汝庶生也。嫡母封。生母未封。朕即有旨。公拜謝出。相國怒曰。汝欲尊所生未啟我而遽奏。上乃以主眷壓翁耶。擊以杖。墮孔雀翎。徐夫人為跽請乃已。世宗聞之。翌日。命內監宮娥各四人。捧翟茀翟衣至相國第。扶夫人榻上。代為櫛沐。衮服褰飾。釵花爛然。八旗命婦皆嚴妝來圍夫人。而賀者相環也。頃之。滿漢內閣學士捧函書高呼入曰。有詔。相國與夫人跪。乃宣讀曰。大學士尹泰。非藉其子繼善之賢。不得入相。非側室徐氏。繼善何由生。著

勅封徐氏為一品夫人。尹泰先肅謝夫人。再如 詔行禮宣畢。四宮娥擁夫人南面坐。四內監引相國拜夫人。夫人驚蹶。踏欲起。四宮娥強按之。不得動。既乃重行夫婦合卺結褵之儀。內府梨園亦至。管絃鏗鏘。有燕紛羅。諸命婦各起持觴。為相國夫人壽。酒罷。大懽笑去。後三十年。文端側室張夫人受封。文端謝恩。奏及之。上曰。朕實不知。先帝有此事。乃竟暗合。豈非卿家家運耶。公繼室鄂夫人。鄂文端公猶女也。兩文端相見。鄂老矣。歎曰。吾日夜思抽身退。未知能否。夫人曰。女聞古之君子。事君能致其身。又曰。明哲保身。未聞有抽身者。兩文端為之莞然。

田文鏡總督河東時。不喜科目。聞王士俊宰祥符。謁田。田問出身。王眉蹙口澀。若為萬不得已者。而對曰。士俊不肖。某科翰林也。田以為測已。愈惡之。每見嗔喝。吹毛索瘢。王憂適不食。幕府客裴香山。高士也。被酒大言曰。制軍有意相督過。將早晚劾公公去。無名可惜。不如擇一有名事去。問何事。曰。今新增河南鹽地稅。民不能堪。公以狀啟田。田必據此劾公。公雖去。公名傳矣。曷若姜勝授印低頭出衙乎。王深然之。繕稿數千言。通牒大府。布政使楊文乾心嫌田所為。而屈於勢。不能言。忽得王牒。驚曰。此何時。尚有奇男子耶。呼童焚香。供牒再拜。遲明。田果具疏劾王。楊佯助田。怒謾曰。狡哉王令。知公憎之。故借此求名。若據彼牒劾。奉是落伊肚內也。且罪止罷官。不如姑舍是。而別摘他罪中之使轉身不得。田領之。王感楊恩。私

誓如父子然。亡何。天子擢楊巡撫廣東。士俊送出境。悲不能自止。楊亦泣然曰。事未可知。何忍遽別。姑行一驛子。既又留之曰。事未可知。姑再一驛子。主自度無全理。惘惘相隨。忽見北來飛騎。捧黃封授楊。楊下輿北向。九叩首。招王曰。我乞汝同往廣東。天子許以府道用矣。連歸辦裝可也。王至廣東。授肇高廉道。尋擢布政使。田文鏡卒。竟督河東。代其位。

小倉山房文集卷九終

小倉山房文集卷十

錢唐袁枚子才

王介祉詩序

吾不識漢管公明作何狀。至於攬鏡自照。傷不永其年。其言卒驗。然史稱其才。幾亞管蕭矣。今有人焉。曰虞山王陸提。字介祉。貌瘠而修。如枯藤。將弛兩瞳子。凸於眶。欲墜地碎。其詩悼往。紀今。能曲折以神起。歌之葩華。洋溢布。若穆羽之調。家貧。母夫人年七十。介祉挾一鞭一簞。遊前年將之楚。過余道別。討論諧謔相樂也已。而自戚其貌。對壁間鏡。戲曰。而小子其窮哉。乃別去。長沙令某聘為記室。未半年。病遽。投舟歸。未半途。死。嗚呼。貌之徵。何其速也。昔公明壽四十。介祉僅三十三。然則今之天。更啻於昔之天也。公明文采無所表見。介祉詩大噪於時。似可以其名之。羸補壽之縮。然形而下者。貌也。形而上者。才也。貌之徵。宜天宜窮。才之徵。宜顯宜壽。宜彰施休明。兩者皆天所與。而一驗一不驗。使人咨嗟涕洟。則又胡不并其才而斲之也。介祉歿後。予方索其詩。其弟次岳自虞山來。以詩六卷。屬余校定而付之梓。嗚呼。此則人所為。而不聽命於天者矣。

送醫者韓生序

仁無術而不行。堯舜之政。周孔之教。神農之藥。皆術也。皆所以行其仁也。使堯舜周孔神農。